

GRAD NOVI PAZAR
SKUPŠTINA GRADA
Odbornička grupa SDA Sandžaka

Novi Pazar

17. maj 2021. godine

P R E D S J E D N I K U
SKUPŠTINE GRADA NOVOG PAZARA

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O JAVNOM OBJAVLJIVANJU POSLATIH KOMENTARA NA NACRT PROSTORNOG PLANA REPUBLIKE SRBIJE OD 2021. DO 2035. GODINE I IZVJEŠTAJA O STRATEŠKOJ PROCJENI UTICAJA PROSTORNOG PLANA REPUBLIKE SRBIJE OD 2021. DO 2035. GODINE NA ŽIVOTNU SREDINU**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red i donese na sjednici Skupštine grada koja će se održati 17. maja 2021. godine.

Ovlašteni predstavnik odborničke grupe SDA Sandžaka po ovoj tački dnevnog reda je zamjenik predsjednika odborničke grupe mr. **Emir Aščerić**.

Predsjednik odborničke grupe

Ahmedin Škrijelj

PRIJEDLOG

Na osnovu člana 46. stav 1, tačka 2), člana 71. stav 1. Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 147. Statuta grada Novog Pazara („Službeni list grada Novog Pazara“, broj 6/19), i člana 137. Poslovnika Skupštine grada Novog Pazara („Službeni list grada Novog Pazara“, broj 6/19), Skupština grada Novog Pazara na sjednici održanoj _____ 2021. godine, donosi

O D L U K U

o javnom objavljivanju poslatih komentara na Nacrt prostornog plana Republike Srbije od 2021. do 2035. godine i Izvještaja o strateškoj procjeni uticaja prostornog plana Republike Srbije od 2021. do 2035. godine na životnu sredinu

Član 1.

Obavezuje se Gradsko vijeće, da Skupštini grada, u roku od 15 dana od dana donošenja ove odluke, dostavi službene podatke o poslatim komentarima na Nacrt prostornog plana Republike Srbije od 2021. do 2035. godine od strane Grada Novog Pazara.

Član 2.

Obavezuje se Gradsko vijeće, da Skupštini grada, u roku od 15 dana od dana donošenja ove odluke, dostavi službene podatke o poslatim komentarima na Izvještaj o strateškoj procjeni uticaja prostornog plana Republike Srbije od 2021. do 2035. godine od strane Grada Novog Pazara.

Član 3.

Službeni podaci iz članova 1. i 2. ove Odluke, u propisanom roku, dostaviće se i svim odbornicima Skupštine grada i objaviti na zvaničnoj internet stranici Grada Novog Pazara.

Član 4.

Ovu Odluku objaviti u “Službenom listu grada Novog Pazara”.

SKUPŠTINA GRADA NOVOG PAZARA

Broj:

U Novom Pazaru, _____. _____. 2021. godine

PREDSJEDNICA

Dr. Anela Šemsović

O B R A Z L O Ž E N J E:

Pravni osnov za donošenje akta:

Pravni osnov za donošenje ove odluke je sadržan je u:

- članu 46. stav 1, tačka 2) Zakona o lokalnoj samoupravi;
- članu 71. stav 1. Zakona o lokalnoj samoupravi;
- članu 147. Statuta grada Novog Pazara
- članu 137. Poslovnika Skupštine grada Novog Pazara

Razlozi za donošenje akta:

Ministarstvo građevinarstva, saobraćaj i infrastrukture oglasilo je 5. aprila 2021. godine Javni uvid u Nacrt prostornog plana Republike Srbije od 2021. do 2035. godine i Izvještaj o strateškoj procjeni uticaja prostornog plana Republike Srbije od 2021. do 2035. godine na životnu sredinu. Javni u trajao je 30 dana, odnosno do 5. maja 2021. godine, do kada su trebale biti dostavljene primjedbe na Nacrt prostornog plana Republike Srbije od 2021. do 2035. godine i Izvještaj o strateškoj procjeni uticaja prostornog plana Republike Srbije od 2021. do 2035. godine na životnu sredinu.

Prostorni plan predstavlja najviši planski dokument Republike Srbije koji će odrediti pravce razvoja u narednih 15 godina, a javni uvid je bio prilika da se javnost, a samim tim i lokalna samouprava, uključi u proces izrade ovog dokumenta, od izuzetnog značaja za sve građane Republike.

Grad Novi Pazar, odnosno izvršni organi Grada, su na osnovu zakonom propisane obaveze dužni da rade transparentno i da blagovremeno upoznaju javnost sa predloženim mjerama u procesu donošenja dokumenata koji su od značaja za budućnost društva u kome živimo.

Objašnjenje pojedinačnih rješenja propisanih ovim aktom:

Član 1. i Član 2: Utvrđen je predmet odluke, odnosno obaveza organa Grada Novog Pazara da odbornicima dostavi a javnosti stavi na uvid, objavljivanjem na zvaničnoj internet stranici Grada, sve informacije u vezi komentara na Nacrt prostornog plana Republike Srbije od 2021. do 2035. godine i Izvještaj o strateškoj procjeni uticaja prostornog plana Republike Srbije od 2021. do 2035. godine na životnu sredinu.

Član 4: Propisana je obaveza objavljivanja ovog akta u „Službenom listu grada Novog Pazara“.

Finansijska sredstva za sprovođenje ove odluke nisu potrebna.